



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԻՃԱԿԱԳՐՈՒԹՅԱՆ ՊԵՏԱԿԱՆ ԽՈՐՀՈՒՐԴ**

Ո Ր Ո Շ ՈՒ Մ

''23'' սեպտեմբեր 2013 թ.


թիվ 45 -Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2013 ԹՎԱԿԱՆԻՆ ԱՆՑԿԱՑՎԵԼԻՔ
ՓՈՐՁՆԱԿԱՆ ԳՅՈՒՂԱՏՆՏԵՍԱԿԱՆ ՀԱՄԱՏԱՐԱԾ ՀԱՇՎԱՌՄԱՆ ԸՆԹԱՑՔՈՒՄ
ԳՅՈՒՂԵՐՈՒՄ ՀԱՇՎԱՐԱՐԻ ՀՈՒՇԱՏԵՏՐԸ
ՀԱՍՏԱՏԵԼՈՒ ՄԱՍԻՆ**

Ղեկավարվելով «Գյուղատնտեսական համատարած հաշվառման» մասին Հայաստանի Հանրապետության օրենքի 4-րդ հոդվածի 5-րդ մասով՝ Հայաստանի Հանրապետության վիճակագրության պետական խորհուրդը **ո ր ո 2 ու մ է.**

Հաստատել՝

ՀՀ 2013թվականի փորձնական գյուղատնտեսական համատարած հաշվառման ընթացքում «Գյուղերում հաշվարարի հուշատետրը»՝ համաձայն հավելվածի:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ՎԻՃԱԿԱԳՐԱԿԱՆ ԾԱՌԱՅՈՒԹՅՈՒՆ

Հավելված

Հայաստանի Հանրապետության
վիճակագրության պետական խորհրդի
2013 թվականի սեպտեմբերի 23-ի թիվ 45 -Ա որոշման

ՀՀ 2013թ. փորձնական գյուղատնտեսական
համատարած հաշվառում

Հ Ո Ւ Շ Ա Տ Ե Տ Ր ԳՅՈՒՂԵՐՈՒՄ ՀԱՇՎԱՐԱՐԻ

Մարզ-----Տարածաշրջան-----

Համայնք-----Բնակավայր-----

ՀԱՇՎԱՅԻՆ ՏԵՂԱՄԱՍ N-----

Հաշվարար-----
(Ազգանուն, անուն, հայրանուն)

ՀՐԱՀԱՆԳՉԱԿԱՆ ՏԵՂԱՄԱՍ N-----

Հրահանգիչ-հսկիչ-----
(Ազգանուն, անուն, հայրանուն)

Հրահանգչական տեղամասի հասցեն-----

-----Հեռախոսի համարը-----

ՀԱՇՎԱՌՄԱՆ ՏԵՂԱՄԱՍ N-----

Հաշվառման տեղամասի վարիչ-----
(Ազգանուն, անուն, հայրանուն)

Հաշվառման տեղամասի հասցեն-----

-----Հեռախոսի համարը-----

ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետությունում փորձնական գյուղատնտեսական համատարած հաշվառումն անց է կացվում 2013թ. նոյեմբերի 10-30-ը ներառյալ:

2. Հաշվառումն անց է կացվում հաշվարարների կողմից գյուղատնտեսությամբ զբաղվող տնտեսություններ այցելելով, տնտեսությունների անմիջական հարցմամբ և տվյալները հարցաթերթում լրացնելու միջոցով:

3. Համաձայն «Գյուղատնտեսական համատարած հաշվառման» մասին ՀՀ օրենքի գյուղատնտեսական համատարած հաշվառմանը մասնակցելը կրում է պարտադիր բնույթ բոլոր գյուղատնտեսական մթերք արտադրողների համար և նրանք պարտավոր են ամբողջական և սպառիչ պատասխաններ (տեղեկություններ) տրամադրել հաշվառման հարցաթերթի բոլոր հարցերին:

4. Նույն օրենքով սահմանված է նաև, որ ֆիզիկական և իրավաբանական անձանց վերաբերյալ անհատական տվյալներին տիրապետող լիազոր մարմնի աշխատակիցներին (այսուհետ՝ աշխատակիցներ) արգելվում է այլ անձի (անձանց) հաղորդել գյուղատնտեսական համատարած հաշվառման լրացված փաստաթղթերի բովանդակությունը:

5. Համաձայն «Գյուղատնտեսական համատարած հաշվառման» մասին ՀՀ օրենքի գյուղատնտեսական հաշվառման սկզբնական (անհատական) տվյալների օգտագործման կարգի խախտման, հարցաթերթը ոչ ամբողջական, սխալ տվյալներով լրացնելու դեպքում գյուղատնտեսական համատարած հաշվառման աշխատակիցները պատասխանատվություն են կրում ՀՀ օրենսդրությամբ սահմանված կարգով: Իսկ հարցմանը պատասխանելուց հրաժարվողներին հաշվարարը պետք է հիշեցնի, որ գյուղատնտեսական համատարած հաշվառման հարցաթերթի հարցերին պատասխանելուց հրաժարվելը, ոչ ամբողջական, սխալ տվյալներ ներկայացնելն առաջացնում է պատասխանատվություն՝ ՀՀ օրենսդրությամբ սահմանված կարգով:

**Հաշվարարի գործառույթները ՀՀ 2013թ. փորձնական
գյուղատնտեսական համատարած հաշվառման
անցկացման ընթացքում**

1. ՀՀ 2013թ. փորձնական գյուղատնտեսական համատարած հաշվառման (այսուհետ՝ փորձնական ԳՀՀ) անցկացման ժամանակաընթացքում՝ **2013թ. նոյեմբերի 10-30-ը ներառյալ**, յուրաքանչյուր հաշվարար պետք է իրականացնի իրեն հատկացված հաշվային տեղամասի գյուղատնտեսությամբ զբաղվող տնտեսությունների հարցումն ու փորձնական ԳՀՀ համապատասխան հարցաթերթի լրացումը:

2. Հաշվարարի աշխատանքը շատ կարևոր է, քանի որ հաշվարարի կողմից է իրականացվում փորձնական ԳՀՀ հարցաթերթի լրացումը՝ տեղեկատվության հավաքագրումը:

3. Փորձնական ԳՀՀ անցկացման ժամանակահատվածում հաշվարարի կողմից իրականացվող աշխատանքները կարելի է բաժանել երեք փուլի՝

4. **ՓՈՒԼ I – Նախապատրաստական՝ 2013թ. նոյեմբերի 6-8-ը**, հաշվարարը պետք է նախնական շրջագայություն (շրջայց) կատարի իր հաշվային տեղամասի բոլոր տնտեսությունները և նրանց տեղեկացնի անցկացվելիք փորձնական ԳՀՀ մասին:

5. **ՓՈՒԼ II- Փորձնական գյուղատնտեսական հաշվառման անցկացում (տնտեսությունների հաշվառում)**՝ 20 օրվա ընթացքում (**նոյեմբերի 10-30-ը ներառյալ**) շրջագայի իր հաշվային տեղամասի յուրաքանչյուր տնտեսություն և տնտեսություններին հարցման միջոցով լրացնի փորձնական ԳՀՀ հարցաթերթը:

6. **ՓՈՒԼ III- Վերահսկիչ աշխատանքներ՝ դեկտեմբերի 1-4-ը**, հրահանգիչ-հսկիչի հետ միասին մասնակցի ընտրանքային վերահսկիչ շրջայցին:

7. Յուրաքանչյուր հաշվարար **պատասխանատու** է իր հաշվային տեղամասում փորձնական ԳՀՀ ժամանակին և պահանջվող որակով անցկացնելու, սահմանված կարգով տնտեսությունների հաշվառումն իրականացնելու, ինչպես նաև փորձնական ԳՀՀ հարցաթերթն ամբողջական և որակով լրացնելու համար:

I. ՆԱԽԱՊԱՏՐԱՍՏԱԿԱՆ ՓՈԻԼ

1. Հրահանգավորում և պատրաստվածության ստուգում անցնելուց հետո, հրահանգիչ-հսկիչից հաշվարարը կատանա **հաշվարարի հուշատետրը**, որտեղ աղյուսակ 1-ում հրահանգիչ-հսկիչի կողմից լրացված կլինի հաշվային տեղամասի մեջ մտնող բոլոր գյուղական համայնքների/բնակավայրերի, ինչպես նաև դրանց տարածքում գտնվող այլ բնակատեղերի տնտեսությունների հասցեները՝ ըստ առանձին համայնքների/բնակավայրերի և բնակավայրերի տարածքում գտնվող այլ բնակատեղերի:

2. Եթե մեկ հաշվային տեղամասում ներառված է տվյալ համայնքի/բնակավայրի մի մասը, ապա աղյուսակ 1-ի 1-ին սյունակում պետք է հրահանգիչ-հսկիչի կողմից կատարված լինի համապատասխան (օրինակ՝ <<Ազատավան գյուղի մի մասը>>) գրառումը: Վերջին տողում հաշվարկվում և գրվում է ընդամենը հաշվային տեղամասում ներառված տնտեսությունների քանակի վերաբերյալ ցուցանիշը: Հաջորդ՝ 2-4-րդ սյունակներում տվյալ համայնքի հաշվային տեղամասի կազմի մեջ ներառված յուրաքանչյուր տնտեսության հասցեն գրվում է առանձին տողով:

3. Եթե մեկ հաշվային տեղամասում ներառված են մեկից ավելի համայնքներ/բնակավայրեր, կամ մեկ համայնքը/բնակավայրն ամբողջությամբ և մեկ այլ համայնքի/բնակավայրի մի մասը, ապա աղյուսակ 1-ի 1-ին սյունակում հրահանգիչ-հսկիչի կողմից գրառվում են սկզբում մեկ համայնքի/բնակավայրի տնտեսությունների ցուցակները, այնուհետև գրվում է հանրագումարը, հետո մյուս համայնքի/բնակավայրի և/կամ համայնքի/բնակավայրի մի մասի հանրագումարը և վերջում հաշվարկվում և գրվում ընդամենը հաշվային տեղամասում ներառված տնտեսությունների քանակի վերաբերյալ ցուցանիշը: Հաջորդ՝ 2-4-րդ սյունակներում տվյալ համայնքի/բնակավայրի հաշվային տեղամասի կազմի մեջ ներառված յուրաքանչյուր տնտեսության հասցեն գրվում է առանձին տողով:

4. Նախնական շրջագայությունը (շրջայցը) սկսելուց առաջ.

- *անհրաժեշտ է ճշտել հաշվային տեղամասի սահմանները,*
- *եթե մեկ համայնքը/բնակավայրը բաժանված է մի քանի հաշվային տեղամասերի միջև կամ հաշվային տեղամասը բաղկացած է մի քանի համայնքներից/բնակավայրերից, ապա անհրաժեշտ է ճշտել հաշվային տեղամասի սահմանները՝ հրահանգիչ-հսկիչի և հարակից տեղամասերի հաշվարարների հետ տեղանք դուրս գալով,*
- *այն համայնքներում, որտեղ ցուցակագրողների կողմից կատարվել են ցուցակագրման աշխատանքներ, տեղամասի սահմաններն անհրաժեշտ է ճշտել՝ դրանք համեմատելով նաև հաշվային տեղամասի սխեմատիկ հատակագծի հետ:*

5. Երեք օրվա ընթացքում (նոյեմբերի 6-8-ը) հաշվարարը պետք է այցելի իր հուշատետրի (հաշվային տեղամասի) աղյուսակ 1-ում գրառված բոլոր հասցեները (տներ, վագոն-տնակներ, մեկուսացված շենքեր, ոչ բնակելի տներ (շինություններ) և այլն), որտեղ բնակվում են տնտեսություններ, լրացնի իր հուշատետրի աղյուսակ 1-ի 5-րդ, 6-րդ և 7-րդ սյունակներում պահանջվող տվյալները (ցուցանիշի առկայության դեպքում դնի «+» նշանը, իսկ բացակայության դեպքում՝ «--» նշանը) և տնտեսության անդամների հետ համաձայնեցնելով 8-րդ սյունակում նշի, թե երբ է հարմար այցելել տնտեսությանը և լրացնել հաշվառման հարցաթերթը:

6. Յուրաքանչյուր տուն այցելելիս անհրաժեշտ է, որ հաշվարարը բնակիչներին տեղեկացնի անցկացվելիք փորձնական ԳՀՀ մասին և նշի դրա կարևորությունը:

7. Աղյուսակի 9-րդ սյունակում հաշվարարը կարող է կատարել ցանկացած գրառում, թե՛ նախնական շրջագայության, թե՛ հաշվառման ընթացքում: Սակայն, եթե հաշվառման ընթացքում որևէ տնտեսության հարցաթերթի լրացման հետ մեկտեղ լրացրել է նաև հարցաթերթի հավելված (հարցաթերթի հավելվածի լրացման անհրաժեշտությունը կպարզվի հարցման ընթացքում), ապա այդ մասին անպայման պետք է գրառում կատարի տվյալ տնտեսությանը վերաբերող համապատասխան տողի 9-րդ սյունակում:

8. Եթե նախնական շրջագայության ժամանակ հաշվարարը պարզի, որ

- հաշվային տեղամասում որևէ բնակատեղ կամ հիմնական բնակելի տներից տարանջատված (հեռու գտնվող) տուն/տների խումբ հրահանգիչ-հսկիչի կողմից չի ներառվել հուշատետրի աղյուսակ 1-ի 1-ին՝ ««Լրացվում է հրահանգիչ-հսկիչի կողմից»» հատվածում,
- կամ ներառված է, բայց փաստացի գոյություն չունի,
- առկա են այլ անհամապատասխանություններ,

այսինքն՝ պարզի, որ հրահանգիչ-հսկիչի կողմից աղյուսակ 1-ի 1-ին հատվածում նախապես գրառված տների և տնտեսությունների քանակը չի համապատասխանում դրանց փաստացի քանակին, ապա պետք է տարբերության մասին հայտնի տեղամասի հրահանգիչ-հսկիչին: Վերջինս պետք է պարզի դրա պատճառը և համապատասխան լրացում կամ ուղղում կատարի հաշվարարի հուշատետրի 1-ին աղյուսակի համապատասխան գրառումներում:

9. Բաց թողնված տները, պետք է ավելացնել աղյուսակի վերջում՝ վերջինը գրված տնից հետո՝ նշելով այն բնակավայրի անվանումը, որի տարածքում դրանք գտնվում են: Հրահանգիչ-հսկիչի կողմից սխալամամբ գրառված տների հասցեները պետք է ջնջել տվյալ հաշվային տեղամասի տնտեսությունների ցուցակից: Այդ դեպքերում տվյալ բնակավայրի և ընդամենը հաշվային տեղամասի հանրագումարների տողերում անհրաժեշտ է կատարել

համապատասխան փոփոխություններ՝ լրացնելով մնացած սյունակներն ըստ պահանջվող տեղեկատվության:

10. Իր հաշվային տեղամասում փորձնական ԳՀՀ անցկացնելու համար հաշվառման նախօրեին տեղամասի հրահանգիչ-հսկիչից հաշվարարը պետք է ստանա անհրաժեշտ քանակությամբ հարցաթերթեր, հարցաթերթի հավելվածներ, այլ փաստաթղթեր և նյութեր և դրանց քանակները լրացնի իր հուշատետրի աղյուսակ 2-ում:

II. ՓՈՐՃՆԱԿԱՆ ԳՀՀ ԱՆՑԿԱՑՈՒՄԸ

1. Փորձնական ԳՀՀ անցկացման օրերի ընթացքում (**նոյեմբերի 10-30-ը ներառյալ**) հաշվարարը պետք է շրջագայի իր հաշվային տեղամասի բոլոր տները և տնտեսության գլխավորի կամ չափահաս անդամներից որևէ մեկի հարցման միջոցով յուրաքանչյուր **տնտեսության** համար լրացնի փորձնական ԳՀՀ հարցաթերթ:

2. Չնայած որ հաշվարարի հուշատետրում յուրաքանչյուր տնտեսություն գրառված է առանձին տողով, այնուամենայնիվ, մինչև փորձնական ԳՀՀ հարցաթերթ լրացնելը հաշվարարը մեկ անգամ ևս պետք է ճշտի, թե քանի տնտեսություն է բնակվում տվյալ տանը, այնուհետև անցնի տվյալ տնտեսության/տնտեսությունների հարցմանը և յուրաքանչյուր տնտեսության համար առանձին հարցաթերթի լրացմանը՝ համաձայն ՀՀ վիճակագրության պետական խորհրդի կողմից 2013թ. օգոստոսի 7-ի թիվ 25-Ա որոշմամբ հաստատված «ՀՀ 2013թ. փորձնական գյուղատնտեսական համատարած հաշվառման ընթացքում գյուղատնտեսությամբ զբաղվող տնտեսություններում գյուղատնտեսական համատարած հաշվառման 1-ԳՀՀ հարցաթերթը և դրա հավելվածը լրացնելու կարգի մասին» հրահանգի:

3. Փորձնական ԳՀՀ հարցաթերթը պետք է լրացնել հարցման եղանակով՝ հարցաթերթից ընթերցելով յուրաքանչյուր հարց: Պատասխանների ճշգրտությունը հաստատող փաստաթղթեր հաշվարարը չի պահանջում, սակայն պետք է համոզվի, որ հարցվողները հստակ հասկացել են հարցը և ճիշտ պատասխաններ են տալիս դրանց: Ընդ որում, հաշվարարը պատասխանողին կարող է հուշել, որ հարցաթերթում բերված հարցերին ճշգրիտ պատասխանելու համար նպատակահարմար է անհրաժեշտության դեպքում (չի հիշում ճշգրիտ թիվը կամ կասկածում է) օգտվել համապատասխան աղբյուրներից (փաստաթղթերից):

4. Հարցման ավարտից հետո հաշվարարը պետք է համոզվի, որ հարցաթերթի բոլոր բաժիններն ըստ հարցերի ներկայացվել են պատասխանողին և որ տրված պատասխանները լրացված են, եթե հաշվարարը նկատի, որ առկա են բացթողումներ, ապա մեկ անգամ ևս պետք հարցադրումը

կրկնի և փորձի լրացնել դրանք, որից հետո միայն հարցաթերթի վերջին էջի սահմանված մասում լրացնի հարցմանը պատասխանող տնտեսության անդամի ազգանունը, ստորագրի և գրի լրացման ամսաթիվը:

5. Յուրաքանչյուր օրվա վերջում հաշվարարը պետք է ստուգի տվյալ օրվա ընթացքում լրացրած հարցաթերթերը (դրանց լրացման ամբողջականությունն ու ճշգրտությունը), ինչպես նաև լրացված հարցաթերթից հաշվային տեղամասի **ամփոփ տեղեկագրում** (Ձև թիվ 6-գյուղական) գրառի պահանջվող համապատասխան տեղեկատվությունը: Փորձնական ԳՀՀ ժամանակ հաշվային տեղամասի ամփոփ տեղեկագիրը (Ձև թիվ 6-գյուղական) լրացվում է յուրաքանչյուր հաշվային տեղամասի ամփոփ տվյալները ստանալու համար:

6. Այն դեպքում, երբ հաշվարարը 3 անգամ այցելել է և չի հանդիպել տնտեսության գլխավորին կամ չափահաս անդամներից որևէ մեկին, ում հետ պետք է իրականացնի հարցումը, ապա անհրաժեշտ է թողնել **«գրություն նրանց, ում դժվար է տանը գտնել»**, որով խնդրվում է տնտեսության անդամներից մեկին զանգահարել հաշվարարին կամ հրահանգչական տեղամաս՝ փորձնական ԳՀՀ հարցաթերթի լրացման գործընթացը կազմակերպելու համար:

7. Փորձնական ԳՀՀ անցկացման ժամանակահատվածում հաշվարարն ամեն օր հրահանգիչ-հսկիչի կողմից նշանակված ժամին պետք է ներկայանա հրահանգչական տեղամաս և ստուգման ներկայացնի լրացված փաստաթղթերը, հրահանգիչ-հսկիչի ցուցումով (հրահանգով սահմանված) ուղղի սխալ կամ կիսատ կատարված գրառումները, իսկ անհրաժեշտության դեպքում՝ կրկին այցելի այդ տները:

8. Փորձնական ԳՀՀ հարցաթերթի լրացումը կատարվում է ՀՀ վիճակագրության պետական խորհրդի կողմից 2013թ. օգոստոսի 7-ի թիվ 25-Ա որոշմամբ հաստատված «ՀՀ 2013թ. փորձնական գյուղատնտեսական համատարած հաշվառման ընթացքում գյուղատնտեսությամբ զբաղվող տնտեսություններում գյուղատնտեսական համատարած հաշվառման 1-ԳՀՀ հարցաթերթը և դրա հավելվածը լրացնելու կարգի մասին» հրահանգի պահանջներին համապատասխան:

9. Բոլոր գրառումները հարկավոր է կատարել հարցի համար խիստ սահմանված գոտում կամ հատուկ գծված վանդակում:

10. Փաստաթղթերն անհրաժեշտ է լրացնել հնարավորինս մաքուր՝ առանց ջնջումների, իսկ ուղղումներ լինելու դեպքում հարկավոր է դրանք կատարել խնամքով և ընթեռնելի:

11. Համոզվելով, որ իր հաշվային տեղամասի յուրաքանչյուր տնտեսության համար փորձնական ԳՀՀ հարցաթերթը լրացված է ամբողջությամբ, և ամփոփ տեղեկագրում (Ձև թիվ 6-գյուղական) պահանջվող տվյալները հարցաթերթից արտագրվել են ճշգրտությամբ՝ հաշվարարը պետք է ամփոփի հանրագումարն ըստ առանձին համայնքի/բնակավայրի, եթե հաշվային տեղամասի կազմի մեջ

մտնում են մեկից ավելի համայնքներ/բնակավայրեր: Իսկ եթե հաշվային տեղամասը կազմված է բնակավայրի մի մասից, ապա պետք է ամփոփել հանրագումարն այդ մասի համար:

12. Ավարտելով փորձնական ԳՀՀ իր հաշվային տեղամասի բոլոր համայնքների/բնակավայրերի տնտեսություններում և համոզվելով, որ ոչ մի համայնք/բնակավայր, ոչ մի տնտեսություն հաշվառումից դուրս չի մնացել՝ անհրաժեշտ է հաշվարկել հաշվային տեղամասի տվյալների հանրագումարը և լրացնել ամփոփ տեղեկագրում (**Ձև թիվ 6-գյուղական**)՝ առաջնորդվելով ամփոփ տեղեկագիրը լրացնելու ցուցումներով:

13. Այնուհետև հաշվարարը հաշվային տեղամասի կազմի մեջ մտնող յուրաքանչյուր համայնքի/բնակավայրի համար (եթե տեղամասը կազմված է համայնքի/բնակավայրի մի մասից, ապա այդ մասի համար) պետք է լրացնի «Ուղեկցող թերթ» (**Ձև թիվ 10**) ձևաթուղթը: Ուղեկցող թերթում անհրաժեշտ է լրացնել հասցեամասը, նշում կատարել՝ ուղեկցող թերթը կազմված է «ամբողջ բնակավայրի», թե «դրա մի մասի համար» համապատասխան վանդակներից մեկում, ինչպես նաև տվյալ բնակավայրի համար լրացված հարցաթերթի և հարցաթերթի հավելվածների քանակի վերաբերյալ տվյալները:

14. Փորձնական ԳՀՀ նյութերը հրահանգիչ-հսկիչին հանձնելուց առաջ հաշվարարը պետք է մեկ անգամ ևս մանրազնին ստուգի լրացված բոլոր փաստաթղթերի լրացման ամբողջականությունն ու ճշգրտությունը, որպեսզի վերացնի հնարավոր բոլոր անճշտությունները, ուղղի սխալ գրառումները, իսկ հուշատետրի վերջին էջում անպայման լրացնի «Հաշվարարի դիտողություններն ու առաջարկությունները» բաժինը՝ աշխատանքի ընթացքում առաջացած դժվարությունների վերաբերյալ և կատարի առաջարկություններ՝ հետագայում ՀՀ 2014թ. ԳՀՀ անցկացման ընթացքում հաշվի առնելու համար:

15. Հաշվարարը փորձնական ԳՀՀ լրացված հարցաթերթերը պետք է դասավորի պայուսակում՝ ըստ դրանց հերթական համարների:

16. Յուրաքանչյուր բնակավայրի (բնակավայրի մասի) փորձնական գյուղատնտեսական հաշվառման առաջին հարցաթերթի վրա պայուսակում պետք է դրվի ուղեկցող թերթը, այնուհետև՝ հաշվային տեղամասի ամփոփ տեղեկագրերը, հուշատետրը և հրահանգիչ-հսկիչից ստացած բոլոր օժանդակ նյութերը:

17. Դրանք բոլորը, ինչպես նաև չօգտագործված և վնասված հարցաթերթերն ու այլ փաստաթղթերը պետք է հաշվով հանձնել հրահանգիչ-հսկիչին՝ լրացնելով հուշատետրի աղյուսակ 2-ի համապատասխան սյունակները:

III. ՎԵՐԱՀՄԿԻՉ ՇՐՋԱՅՑ

1. Հրահանգիչ-հսկիչի կողմից սահմանված օրը՝ **դեկտեմբերի 1-ից մինչև 4-ը ժամանակահատվածում**, հաշվարարը պետք է ներկայանա հրահանգչական տեղամաս՝ վերահսկիչ շրջայցին մասնակցելու և փորձնական ԳՀՀ նյութերն անձամբ հրահանգիչ-հսկիչին հանձնելու համար:

2. Վերահսկիչ շրջայցն անցկացվում է բոլոր հաշվային տեղամասերում՝ դրանցից յուրաքանչյուրում ընդգրկելով բնակելի միավորների 10%-ը, որի ընտրանքը կատարվում է հաշվառման տեղամասի վարիչի և նրա օգնականի կողմից, որպեսզի ստուգվի հաշվարարի աշխատանքը:

3. Վերահսկիչ շրջայցն անցկացնում է տեղամասի հրահանգիչ-հսկիչը՝ հաշվարարի հետ միասին: Ընդ որում, վերահսկիչ շրջագայության ժամանակ հրահանգիչ-հսկիչն է որոշում, թե հաշվարարը որ հաշվային տեղամասի վերահսկիչ շրջագայությանն է մասնակցելու (բացառելով տվյալ հաշվարարի հաշվային տեղամասը):

4. Եթե վերահսկիչ շրջայցի ժամանակ պարզվի, որ հաշվարարի կողմից հաշվառման ենթակա որևէ տնտեսություն բաց է թողնվել, ապա վերահսկիչ այդ տնտեսության համար լրացվում է/են փորձնական ԳՀՀ անհրաժեշտ փաստաթուղթ/փաստաթղթեր:

ԱՂՅՈՒՍԱԿՆԵՐ

ԱՂՅՈՒՍԱԿ 1. ՀԱՇՎԱՅԻՆ ՏԵՂԱՄԱՍԻ ՄԵՁ ՄՏՆՈՂ

Լրացվում է հրահանգիչ-հսկիչի կողմից			
Գյուղական համայնքի/ բնակավայրի և/կամ բնակավայրից հեռու գտնվող բնակատեղի անվանումը	Փողոցի, նրբանցքի, անցուղու և այլնի անվանումը	Տան համարը	Տնտեսության գլխավորի ազգանունը, անվան և հայրանվան սկզբնատառերը
<i>1.</i>	<i>2.</i>	<i>3.</i>	<i>4.</i>

ՏՆՏԵՍՈՒԹՅՈՒՆՆԵՐԻ ՑՈՒՑԱԿ

Լրացվում է հաշվարարի կողմից՝ նախնական շրջագայության ժամանակ				
Տնտեսությունում առկայությունը			Փորձնական ԳՀՀ ժամանակ տուն այցելելու ամսաթիվը	Գրառումներ
գյուղ. նշանակության և/կամ տնամերձ հողերի	գյուղատընտեսական կենդանիների	գյուղատընտեսական տեխնիկայի		
<i>5.</i>	<i>6.</i>	<i>7.</i>	<i>8.</i>	<i>9.</i>

շարունակություն

Լրացվում է հրահանգիչ-հսկիչի կողմից			
Գյուղական համայնքի/ բնակավայրի և/կամ բնակավայրից հեռու գտնվող բնակատեղի անվանումը	Փողոցի, նրբանցքի, անցուղու և այլնի անվանումը	Տան համարը	Տնտեսության գլխավորի ազգանունը, անվան և հայրանվան սկզբնատառերը
<i>1.</i>	<i>2.</i>	<i>3.</i>	<i>4.</i>

Լրացվում է հաշվարարի կողմից՝ նախնական շրջագայության ժամանակ

Տնտեսությունում առկայությունը			Փորձնական ԳՀՀ ժամանակ տուն այցելելու ամսաթիվը	Գրառումներ
գյուղ. նշանակության և/կամ տնամերձ հողերի	գյուղատնտեսական կենդանիների	գյուղատնտեսական տեխնիկայի		
5.	6.	7.	8.	9.

շարունակություն

Լրացվում է հրահանգիչ-հսկիչի կողմից

Գյուղական համայնքի/ բնակավայրի և/կամ բնակավայրից հեռու գտնվող բնակատեղի անվանումը	Փողոցի, նրբանցքի, անցուղու և այլնի անվանումը	Տան համարը	Տնտեսության գլխավորի ազգանունը, անվան և հայրանվան սկզբնատառերը
1.	2.	3.	4.

Լրացվում է հաշվարարի կողմից՝ նախնական շրջագայության ժամանակ				
Տնտեսությունում առկայությունը			Փորձական ԳՀՀ ժամանակ տուն այցելելու ամսաթիվը	Գրառումներ
գյուղ. նշանակության և/կամ սնամեղև հողերի	գյուղատնտեսական կենդանիների	գյուղատնտեսական տեխնիկայի		
5.	6.	7.	8.	9.

շարունակություն

Լրացվում է հրահանգիչ-հսկիչի կողմից			
Գյուղական համայնքի/ բնակավայրի և/կամ բնակավայրից հեռու գտնվող բնակատեղի անվանումը	Փողոցի, նրբանցքի, անցուղու և այլնի անվանումը	Տան համարը	Տնտեսության գլխավորի ազգանունը, անվան և հայրանվան սկզբնատառերը
1.	2.	3.	4.

Լրացվում է հաշվարարի կողմից՝ նախնական շրջագայության ժամանակ				
Տնտեսությունում առկայությունը			Փորձնական ԳՀՀ ժամանակ տուն այցելելու ամսաթիվը	Գրառումներ
գյուղ. նշանակության և/կամ տնամերձ հողերի	գյուղատնտեսական կենդանիների	գյուղատնտեսական տեխնիկայի		
5.	6.	7.	8.	9.

շարունակություն

Լրացվում է հրահանգիչ-հսկիչի կողմից

Գյուղական համայնքի/ բնակավայրի և/կամ բնակավայրից հեռու գտնվող բնակատեղի անվանումը	Փողոցի, նրբանցքի, անցուղու և այլնի անվանումը	Տան համարը	Տնտեսության գլխավորի ազգանունը, անվան և հայրանվան սկզբնատառերը
1.	2.	3.	4.

շարունակություն

Լրացվում է հրահանգիչ-հսկիչի կողմից			
Գյուղական համայնքի/ բնակավայրի և/կամ բնակավայրից հեռու գտնվող բնակատեղի անվանումը	Փողոցի, նրբանցքի, անցուղու և այլնի անվանումը	Տան համարը	Տնտեսության գլխավորի ազգանունը, անվան և հայրանվան սկզբնատառերը
1.	2.	3.	4.

**ՀԱՇՎԱՐԱՐԻ ԿՈՂՄԻՑ ՍՏԱՑԱԾ ԵՎ ՀԱՆՁՆԱԾ
ՆՅՈՒԹԵՐԻ Ց Ա Ն Կ**

1.	Ն յ ու թ ե ր	Ստացել է	Հանձնել է		
			լրացրած	մաքուր	վնասված
1.	2.	3.	4.	5.	6.
1.	Գյուղատնտեսությամբ զբաղվող տնտեսություններում գյուղատնտեսական համատարած հաշվառման 1-ԳՀՀ հարցաթերթ				
2.	Գյուղատնտեսությամբ զբաղվող տնտեսություններում գյուղատնտեսական համատարած հաշվառման 1-ԳՀՀ հարցաթերթի հավելված				
3.	«ՀՀ 2013թ.փորձնական գյուղատնտեսական համատարած հաշվառման ընթացքում գյուղատնտեսությամբ զբաղվող տնտեսություններում գյուղատնտեսական համատարած հաշվառման 1-ԳՀՀ հարցաթերթը և դրա հավելվածը լրացնելու կարգի մասին» հրահանգ		X		X
4.	Ամփոփ տեղեկագիր հաշվային տեղամասի (Ձև թիվ 6-գյուղական)				
5.	Ուղեկցող թերթ (Ձև թիվ 10)				
6.	Հուշատետր հաշվարարի			X	X
7.	Հաշվային տեղամասի սխեմատիկ հատակագիծ			X	X
8.	Գրություն նրանց, ում դժվար է տանը գտնել				
9.	Հաշվարարի վկայական			X	X
10.	Պայուսակ			X	X
11.	Գրենական պիտույքներ		X	X	X

**ՀԱՇՎԱՐԱՐԻ ԴԻՏՈՂՈՒԹՅՈՒՆՆԵՐՆ ՈՒ
ԱՌԱՋԱՐԿՈՒԹՅՈՒՆՆԵՐԸ**

Նկարագրեք, խնդրեմ, հաշվային տեղամասում Ձեր աշխատանքի ընթացքում դրական և բացասական երևույթները:

Կան արդյոք առաջարկություններ հաշվային և հրահանգչական տեղամասերում փորձնական ԳՀՀ անցկացման վերաբերյալ:

Ընդգծեք այն հարցերը, որոնք դժվարություններ են առաջացրել փորձնական ԳՀՀ հարցաթերթի լրացման ժամանակ:

Առաջանում էին արդյոք դժվարություններ բնակչությունից փորձնական ԳՀՀ հարցաթերթի հարցերի պատասխանները լրացնելու ժամանակ:

ՆՇՈՒՄՆԵՐԻ ՀԱՄԱՐ
